

吳伯雄
編

陳壽祺全集

32



廣陵書社

陳壽祺全集

 廣陵書社

第三十二冊

卷百四十國朝宦績 總轄……………	一
卷百四十一國朝宦績 福州府興化府……………	七七
卷百四十二國朝宦績 泉州府漳州府……………	一〇七
卷百四十三國朝宦績 延平府建寧府邵武府汀州府……………	一七三
卷百四十四國朝宦績 福寧府臺灣府永春州龍巖州……………	二五一
卷百四十五國朝宦績 總轄水陸提鎮各營備弁附舊鎮協附……………	二九九
卷百四十六唐選舉 五代選舉……………	三五—
卷百四十七宋選舉（一）……………	三六七

卷百四十八 宋選舉（二） 四四五

卷百四十九 宋選舉（三） 五二五

卷百五十 宋選舉（四） 六三三

重纂福建通志卷之百四十

官績

國朝

總督張存仁 陳錦 李率泰 趙廷臣 劉兆麒 范承

謨 郎廷相 姚啓聖 王國安 王隲 郭世隆 范時

崇 覺羅滿保 高其倬 史貽直 劉世明 郝玉麟

喀爾吉善 蘇昌 福康安 趙慎畛 孫爾準

巡撫佟國鼐 佟國器 宜永貴 許世昌 吳興祚 梅

鎬 李斯義 張伯行 陳璜 趙國麟 王恕 劉於義

陳大受 潘思渠 陳宏謀 吳士功 徐嗣曾 李殿

圖 張師誠

提學道陳瑾 丁蕙 高日聰 汪薇 提督學政沈涵

楊篤生 黃之雋 周學健 吳華孫 汪廷璵 莊培因

朱筠 朱珪 陸錫熊 恩普 韓鼎晉 史致儼 張

鱗

布政司左布政使周亮工 右布政使張尙 金光祖 布

政使于成龍 佟康年 汪楫 沈廷正 曹繩柱 李賡

芸

按察司按察使張所志

巡海道耿介 陳啓泰

糧驛分巡道吳鼎震

驛傳道王國泰

巡臺御史夏之芳 李元直 嚴瑞龍

分守福寧道陸懷玉 蘇宏祖 于朋舉

分守興泉道王育賢 分巡葉灼棠 胡昇猷

分巡海防汀漳道張翼鵬 蔣龍光 阿琳

分守漳南道吳執中 分巡趙映乘 郁之章 劉三章

分守建南道王道新 楊兆魯 分巡徐元琪

分巡巡海興泉永道廷毓

分巡延建邵道王汝棐 黃道行

分巡臺廈道王敏政 陳大輦

總督

張存仁遼東人明寧遠副將

國朝順治三年以浙督兼督福建時山海交訐汀延諸屬有爲明魯王守者存仁以次收復草創之始多方拊循士民戴之卒謚忠勤陳錦字天章正藍旗漢軍人順治五年以浙督兼督福建偕大帥入閩賊據延平將軍寨爲巢穴巍峭特甚僞瞰順永將沙表及諸郡屢攻不下錦命壘土高與寨齊一鼓而上拔之鄭成功黨鄭綵連船據長樂連江陷福安羅源永春德化諸縣江西僞新建王朱由棧攻陷大田尤溪錦次第削平閩地稍謚九年成功復至漳州圍急錦赴援戰江東橋失利退次同安夜半爲刺客所害

贈兵部尚書

賜祭葬

李率泰字壽壽瀋陽人順治五年以刑部侍郎偕督臣帥兵收復

建寧興化同安各郡縣凱還晉吏部左侍郎十三年擢太子太保以浙督兼督閩時鄭成功屢擾海上率泰疏增水軍造戰艦布閒謀廣招徠十五年

命專督福建先後降僞都督唐邦杰僞忠靖伯陳輝等海寇少靜而山寇方張康熙二年統延建邵三路兵合勦之斬逆首王鐵佛成功子錦復由梁山內犯率泰曰不殄鄭氏山寇亦不得平也率大兵攻廈門金門浯嶼拔之趨八尺門用夜半渡海拔銅山僞永安侯黃廷芳率家屬降錦以十數艘遁歸臺灣乃整師勦山寇擒其魁賊平四年卒

贈兵部尚書諡忠襄

趙廷臣河南人順治閒總督浙閩康熙三年以葬母請假歸七年

盜閩鋤蠹剔奸政聲赫然甫數月奉

仰巡海卒於途

劉兆麒清苑籍鑲白旗漢軍人康熙八年總督浙閩招撫賊黨僞都督阮欽施驍僞將軍林伯馨等先後以戰船將卒來降鄭錦自是益衰海烽少靖因疏言禁民通海宜先使近海之民得所凡無業者以無主田地官給牛種令墾又申嚴保甲令奸商土豪窩隱者連坐則民不冒險犯禁而偷越之弊可除又言舊報災例夏災不出六月終旬秋災不出九月終旬新制止於五月九月中旬安必遇災不在限後恐不恤民者藉新制逾限不報恤民者以違時受罰請仍舊得

如所請行

范承謨字觀公瀋陽籍鑲黃旗漢軍人太傅文程子順治壬辰進士康熙十一年由浙江巡撫

持簡總督福建

台對

賜衣冠名馬十二年冬抵閩閩承凋瘵之餘經畫備至逆藩耿精忠有異

志會撤藩

旨下裁左右鎮兵歸各營承謨與提督王進功密議徐之俟謀成而後遣進功欲亟撤之以孤其勢承謨曰此迫緩散之軍心驅之附逆也於是眾果洶洶會吳三桂反滇訛言益沸客進謀曰盍託備兵延平據上游號召諸鎮嚴兵待變內可以折逆謀外可以待援承謨曰滇閩相距數千里備兵無名且彼反跡未彰若蜚語開謂我據

地謀叛何辭以解或曰盍密檄諸鎮以謁新制府爲名各以精卒至承謨領之未及行十三年三月精忠反巡撫劉秉政輸情於賊給承謨入脅同起事承謨憤詆之遂被拘絕食十日不得死精忠遣秉政來說降且前且揖承謨力蹴之秉政出不意踉蹌仆地走承謨曰羣逆稽誅一蹴之討不可少也拘三載精忠時遣問訊輒厲斥之後不敢復至著蒙谷自序百苦吟武彝歌以見志無毫楮以薪畫壁有

御製承謨畫壁集序十五年

王師破仙霞精忠夜遣黨殺承謨承謨索

賜冠不得乃露頂望

闕叩首遂遇害煨骸荒郊騎卒許鼎收骸赴京

賜祭葬

御製碑文親灑宸翰加太子少保兵部尚書諡忠貞承謨泣聞僅五月士庶謳思弗衰建特祠於道山麓崇祀之三十四年

御賜忠貞炳日匾懸祠內幕客生員嵇永仁王龍光儒士沈天成范承譜同時被繫不屈死四十七年

贈永仁龍光國子監助教天成承譜學正從祀忠貞祠

郎廷相鑲黃旗漢軍人康熙十五年任福建總督時耿變初定餘孽老虎三紀朝佐等尙擁眾連營廷相勦撫互用旬月悉平滇逆遣僞將軍韓大任部眾十餘萬由江右入廷相遣人說降之興泉漳三郡士民爲耿逆拘繫者以千計廷相盡釋之給資遣歸海寇鄭錦山寇朱寅合眾迭犯郡縣廷相屢卻之錦據玉洲等寨分擾

石碼江東橋廷相以漳屬兵單請援

仰大將軍康親王督滿兵協勦廷議廷相不能殄賊以姚啓聖代

姚啓聖字熙止一字憂菴其先爲浙之紹興人以鑲紅旗漢軍籍登康熙癸卯順天解元任香山縣註誤去官十三年耿逆亂閩啓聖起郡佐以溫處道銜從康親王入閩卽遣人說精忠降未決乃單騎至其營精忠大宴啓聖飲啖指畫詞氣伉爽宴罷長揖去精忠曰是李抱眞之流必不我欺也遂降啓聖以功遷福建布政使閩自亂後民不堪命輕徭薄賦與之休息慎管鑰吏斂手莫敢爲奸精忠之降也其黨多畏罪歸鄭錦錦乘虛取內地啓聖積糧繕械召募壯勇有澄清海外之志或謂公文臣無事此啓聖掀髯笑曰若以文武爲二途耶我

國家金甌無缺聲教覃敷奈何以彈丸海島塵宵旰憂乎吳三桂驍將韓大任者世稱小淮陰也由贛入汀謀與鄭氏合啓聖說降之簡其兵得死士三千人以爲親軍十六年隨康親王收復邵武興化盡取漳泉地錦遁歸廈門十七年總督卽延相會諸軍討錦失利賊復熾

大子震怒命王舉所代卽軍中擢啓聖爲總督舉循良懲貪墨戢豪暴境內肅清遂移駐漳州開招徠館賊降者優禮之以示寬大時引數騎招搖城市見廣廈輒盛供帳榜其門曰某鎮公館某將軍行臺獲賊偵佯示之期善遣之賊自相猜忌十九年二月會提鎮七路出師破十九寨復海澄進攻廈門金門拔之錦退保澎湖諸陷縣盡復二十年錦死子克塽幼啓聖密陳平臺之計僞行人傳爲霖

錦之謀主也以計殺之泉人施琅習水戰熟悉海上情形特薦之爲大帥二十二年六月決策進兵克澎湖七月克埭降

命加啓聖宮保予世職由是閩海永清復海界遷居民歸井疆安本業不復知有兵革其初議平海也賊數遣偵動靜啓聖故示弛緩會元夕命百姓張燈自與文武大僚置酒還珠門樓上陳百戲爲宴樂漏下二鼓忽稱疾命屬吏行酒而啓聖已開南關疾馳數百里至五虎門調將出師矣康親王督

禁旅來閩民苦供億啓聖三疏請

赦王還師及出境白王下令禁挾民間婦女竭儲贖歸又置通省郡邑學田供貧士膏火以病卒於官柩出西郊士庶填衢巷跪奠流涕爲祠洪江澣肖像祀之

王國安字磐石正白旗漢軍人康熙二十三年總督閩浙時臺灣新入版圖國安疏請臺屬府縣學額比照內地由分巡廈門道考收其文武官三年後例得陞轉內地其駐防兵亦請赴汛三年期滿調歸原營又臺澎兵糧就本地支領其俸餉取給內地宜順風信請每年四月撥解夏秋十月撥解冬春得

日如所議行二十六年遷刑部侍郎閩人遮畱不得醵金贈行不受民爲置卻金亭

王隲山東福山人順治乙未進士康熙二十七年總督閩浙甫入境聞湖廣夏包子之亂卽駐節延平授文武方略爲大帥聲援楚氛旣靖赴會城羣不逞竄名行伍煽亂惑眾隲密遣將校擒斃之兇徒解散性清介兩省官弁餽送手示數百言一切禁絕訪知邊